

Áhættustefna Faxaflóahafna

Áhættustefna þessi er sett af stjórn Faxaflóahafna að fenginni tillögu frá hafnarstjóra og myndar umgjörð áhættustýringar fyrirtækisins.

1. TILGANGUR OG UMFANG

Tilgangur áhættustefnu Faxaflóahafna er að styðja við samræmda áhættustýringu í rekstri og starfsemi fyrirtækisins. Þannig stuðlar hún að því að Faxaflóahafnir nái markmiðum sínum um að reka öruggar, grænar og skilvirkar hafnir.

Áhættustefnan er bindandi fyrir allt starfsfólk og nær til allra lögaðila sem veita Faxaflóahöfnum þjónustu. Stefnan nær einnig til rekstrar- og viðskiptaferla, upplýsingavinnslu og aðstöðu, allra kerfa, eigna, búnaðar og verðmæta sem eru í eigu og umsjón fyrirtækisins.

2. STEFNA

Áhættustýring er órjúfanlegur hluti af stefnumótun, áætlanagerð og daglegum rekstri Faxaflóahafna. Áhættugreining og stjórnun er hluti af ákvarðanatöku á öllum stjórnstigum.

Áhættustefnan er í samræmi við stefnu Faxaflóahafna og tengist sérstaklega eftirfarandi meginmarkmiðum

- Tryggja öryggi fólks, umhverfis og eigna.
- Stuðla að stöðugri þjónustu við viðskiptavinum og samfélag.
- Viðhalda traustri og sjálfbærri rekstrarstöðu.
- Styðja við verðmætasköpun í samfélaginu og umbætur innan hafnarsvæðisins.

3. LYKILÁHÆTTUR

Í samræmi við leiðbeiningar um stjórnarhætti fyrirtækja, hefur stjórn Faxaflóahafna sérstaklega skilgreint fimm lykiláhættur í starfseminni sem endurspeglar þá þætti sem geta haft mest áhrif á framgang stefnumarkmiða félagsins. Þær hafa verið skilgreindar sem:

- Öryggi og heilsa.
- Hafnavernd.
- Umhverfisstjórnun og mengunarvarnir.
- Net og upplýsingaöryggi.
- Fjárhagur- og rekstur.

4. ÁHÆTTUVILJI

Áhættuvilji stjórnar Faxaflóahafna einkennist af varfærni og aðeins tekin sú áhætta sem er ásættanleg í ljósi lögbundinna skyldna, góðra stjórnarháttanna og ábyrgðar gagnvart hagsmunaaðilum og í samræmi við markmið fyrirtækisins. Fari eftirstæð áhætta umfram skilgreindan áhættuvilja skal gripið til aðgerða eða leggja málið fyrir stjórn.

Yfirflokkur áhættu	Áhættuflokkur	Áhættuvilji
Fjárhagsleg áhætta	Lausafé og fjármögnun	●
	Markaðir	●
	Mótaðilar	●
	Reikningsskil	●
Rekstraráhætta	Öryggi og heilsa	●
	Umhverfi	●
	Hafnavernd	●
	Eignir, mannvirki og viðhald	●
	Mannauður	●
	Net- og upplýsingaöryggi	●
	Reglufylgni og eftirlit	●
Stjórnunar- og stefnumótunaráhætta	Stjórnarhættir	●
	Orðspor og ímynd	●
	Þróun og loftlagsmál	●
	Pólitík, lög og samfélag	●

5. ÁHÆTTUR OG UPPLÝSINGAGJÖF

Áhættur eru metnar eftir skilgreindu áhættufylki og lagt er mat á líkur þess að atburður gerist og áhrifum sem hann kann að hafa á fólk, umhverfi, innviði, fyrirtækið og rekstur þess. Með áhættustefnu hefur stjórn ákveðið hvernig skuli farið með upplýsingagjöf um eftirstæða áhættu.

Eftirstæð áhætta	Aðgerðir
●	Eftirstæð áhætta sem mælist græn krefst ekki umfjöllunar í áhættuskýrslu og ekki er ástæða til að greina þær frekar.
●	Ekki er þörf á sérstökum aðgerðum fyrir eftirstæða áhættu sem mælist gul nema hún sé umfram áhættuvilja. Meta skal hvort þessar áhættur séu að aukast á milli tímabila en ekki er þörf á að greina frá gulum áhættum í áhættuskýrslu stjórnar.
●	Þörf er á mótvægisáðgerðum til að draga úr eftirstæðri áhættu. Þessar áhættur skulu fá umfjöllun í áhættuskýrslu til stjórnar.
●	Eftirstæð áhætta sem mælist rauð ógna gjaldþoli eða rekstrarfærni Faxaflóahafna. Ef upp koma rauðar áhættur skal kalla saman neyðarstjórn þar sem ákvörðun skal tekin um viðbrögð við áhættunni og þessar áhættur skulu fá ítarlega umfjöllun í áhættuskýrslu til stjórnar.

6. FRAMKVÆMD OG ÁBYRGÐ

Stefnan er samþykkt af stjórn Faxaflóahafna og er á ábyrgð hennar.

Hafnarstjóri innleiðir áhættustefnu Faxaflóahafna og sér til þess að skilvirkt áhættustýringarkerfi og stuðningsferli séu til staðar. Hann tryggir jafnframt að ábyrgðarsvið þeirra sem koma að áhættustýringu sé skýrt, fullnægjandi eftirlit og góð yfirsýn yfir áhættu sé til staðar. Áhættumat og skýrslugjöf eru samþætt við árlega stefnumótun og fjárhagsáætlun.

Áhætturáð og Innri endurskoðun Reykjavíkurborgar hefur eftirlit með framkvæmd áhættustýringar og leggur mat á virkni hennar og gerir tillögur á úrbótum.

7. ENDURSKOÐUN

Áhættustefnan skal vera staðfest að lágmarki á þriggja ára fresti og einnig ef verða breytingar á starfsemi sem geta haft áhrif á markmið og stjórnarhætti.

Samþykkt af Hafnarstjórn

Reykjavík, 22. apríl 2026.